

BS Telecom Solutions d.o.o. Sarajevo

PRAVILNIK
o uvjetima prodaje proizvoda / robe /

Sarajevo, februar 2011. godine

U skladu sa članom 11. tačka 6. Zakona o unutrašnjoj trgovini (Službene novine FBiH, br. 40/10), i na osnovu člana 53 Statuta Društva BS Telecom Solutions d.o.o. Sarajevo, direktor Društva donosi:

PRAVILNIK o uvjetima prodaje proizvoda / robe

I OPŠTE ODREDBE

Član 1.

Ovim Pravilnikom se uređuju opšti uvjeti prodaje proizvoda i robe.

Član 2.

Pravilnikom o uvjetima prodaje BS TS uređuje opšte uvjete prodaje, na veliko, vlastitih gotovih proizvoda i robe za dalju prodaju.

Član 3.

BS TS će djelatnost trgovine na veliko vršiti u skladu sa propisima koji regulišu ovu djelatnost i to:

- Zakon o unutrašnjoj trgovini FBiH (Službene novine FBiH br. 40/10),
- Zakon o zaštiti potrošača (Sl. Glasnik BiH 25/06),
- Zakon o kontroli cijena (Službene novine FBiH, br. 2/95 i 70/08),
- Zakon o deviznom poslovanju (Službene novine FBiH br. 47/10),
- Važećim poreznim propisima,
- Pravilnik o uvjetima i načinu formiranju cijena BS Telecom Solutions d.o.o. Sarajevo,

II POSTUPAK FORMIRANJA CIJENA

Član 4.

Za formiranje cijena i utvrđivanje uslova prodaje proizvoda / robe, nadležan je direktor.

Direktor može ovlastiti i drugog zaposlenika da vrši formiranje cijena i utvrđivanje uslova prodaje proizvoda / robe.

Član 5.

Postupak formiranja cijena gotovih proizvoda utvrđen je Pravilnikom o uvjetima i načinu formiranju cijena BS TS.

Direktor ili od njega ovlašteno lice, može prilikom prodaje proizvoda / robe, pod određenim uslovima, davati kupcima popuste.

Odlukom direktora, odnosno od njega ovlaštene osobe se utvrđuje visina popusta i kriteriji, odnosno uslovi koje treba da ispuni kupac da bi mu popust bio odobren.

Visina popusta nije ograničena.

III USLOVI I NAČIN PLAĆANJA

Član 6.

Uslovi i način plaćanja za svaku isporuku bit će definisani potpisanim ugovorom sa konkretnim kupcem ili ako je isporuka manje vrijednosti ti uslovi će biti iskazani na fakturi za isporučene proizvode / robe.

Član 7.

Ovim pravilnikom se određuju sljedeći načini i uslovi plaćanja za kupce:

- Plaćanje 100% ukupne vrijednosti isporučenih proizvoda / roba u roku od 1 do 30 dana od dana isporuke.
- Plaćanje 100% ukupne vrijednosti isporučenih proizvoda / roba u roku od 30 do 90 dana od dana isporuke.
- Plaćanje 100% ukupne vrijednosti isporučenih proizvoda / roba na otplatu putem robnih kredita do 36 mjeseci.
- Avansno plaćanje 100% prije isporuke, ili 20% do 50% avansno plaćanje a ostatak nakon izvršene isporuke do 30 dana.

Član 8.

U slučaju avansnog plaćanja a ako to kupac zahtijeva, BS TS će kao obezbjeđenje avansnog plaćanja kupcu dostaviti originalnu bankarsku garanciju.

Član 9.

BS TS je dužan izdati kupcu fakturu u skladu sa odredbama člana 107. Pravilnika o primjeni Zakona o porezu na dodatnu vrijednost, uz koju je obavezan priložiti dokaz o izvršenoj isporuci, otpremnicu, ili obostrano potpisan zapisnik o kvantitativnom prijemu proizvoda/robe i sl..

Rok za plaćanje počinje teći od dana ispostavljanja ispravne fakture na adresu kupca.

IV ISPORUKA PROIZVODA/ROBA

Član 10.

Pod isporukom proizvoda / roba podrazumijevaju se sve potrebne radnje koje je BS TS dužan obaviti prema ugovoru i prirodi posla, da bi kupac mogao primiti isporuku.

Član 11.

Rok isporuke, ukupno ugovorene i specificirane količine proizvoda / roba, bit će utvrđen ugovorom o prodaji, računajući od datuma obostrano potpisanog ugovora.

Prije utvrđivanja roka isporuke proizvoda / robe BS TS će preispitati objektivne mogućnosti kada se isporuka može obaviti.

Ukoliko se desi da BS TS ne izvrši svoje obaveze u ugovorenom roku, iz razloga za koji je odgovoran, platiće kupcu ugovorenu kaznu obračunatu na vrijednost proizvoda / robe koja nije isporučena, ako to kupac bude zahtijevao.

Član 12.

BS TS je dužan isporučiti proizvode /robu u količini, kvaliteti i vrsti kako je predviđeno ugovorom, te pakiranu, zaštićenu na način predviđen ugovorom. BS TS je obavezan predati kupcu sve dokumente koji se odnose na proizvode / robu i prenijeti vlasništvo nad njom. Kupac je dužan preuzeti ugovorenu isporuku onako kako je predviđeno ugovorom. Kupčeva obaveza preuzimanja isporuke općenito se sastoji u obavljanju svih radnji koje se razumno od njega očekuju da bi omogućio BS TS da izvrši isporuku.

Član 13.

Do isporuke/predaje proizvoda / robe kupcu (do momenta obostranog potpisivanja zapisnika o kvantitativnom prijemu proizvoda / robe bez primjedbi) rizik slučajne propasti ili oštećenja proizvoda / robe snosi BS TS, a s isporukom/predajom proizvoda / robe rizik prelazi na kupca.

Član 14.

Mjesto isporuke će biti određeno ugovorom, a uz primjenu Pravila Međunarodne trgovačke komore za upotrebu domaćih i međunarodnih trgovačkih termina – INCOTERMS 2010.

V TEHNIČKE KARATERISTKE / KVALITET PROIZVODA / ROBE

Član 15.

Isporučeni proizvodi / roba u svemu mora odgovarati tehničkim karakteristikama/tehničkim zahtjevima naznačenim u: ponudi BS TS i tehničkom dijelu tenderske dokumentacije ili specificiranim zahtjevima kupca.

Član 16.

BS TS garantuje da će isporučeni proizvodi / roba biti novoproduzvana, originalna i nekorištena i da će biti isporučena neoštećena.
Proizvodi / roba koja se isporučuje kupcu mora biti upakovana u originalnoj i neotvorenoj ambalaži od originalnog proizvođača uz označavanje pakovanja na propisan način.
Proizvodi / roba moraju biti zapakovani tako da mogu izdržati transport, manipulaciju i eventualno skladištenje u razumnom vremenskom roku.

VI BONIFIKACIJE

Član 17.

Direktor ili od njega ovlašteno lice, može prilikom prodaje proizvoda / roba, pod određenim uslovima, davati kupcima popuste ili rabate.

Popusti se mogu odobravati prilikom prodaje proizvoda i robe sa skladišta, kao i prilikom pružanja usluga.

Član 18.

Odlukom direktora, odnosno od njega ovlaštene osobe se utvrđuje visina popusta i kriteriji, odnosno uslovi koje treba da ispuni kupac da bi mu popust bio odobren.

Bonifikacije se odobravaju u novčanom iznosu, a izražavaju se u postotku od cijene proizvoda / robe ili fakturnog iznosa, odnosno u fiksnom iznosu za koji se umanjuje faktura.

Visina popusta nije ograničena.

VII GARANTNI I POSTGARANTNI PERIOD

Član 19.

Za isporučene proizvode / robe BS TS daje garanciju za određeni garantni period za konkretnu vrstu proizvoda / robe.

Garantni period / rok se određuje i reguliše u ugovoru a počinje teći od datuma obostranog potpisanog zapisnika o kvantitativnom prijemu proizvoda / robe, bez primjedbi.

Na osnovu predatog garantnog lista kojim proizvođač proizvoda / robe garantuje ispravno funkcionisanje iste, kupac ima pravo zahtjevati od BS TS da proizvode / robe, koji ne odgovaraju spacificiranim zahtjevima od strane kupca, popravi u određenom roku ili ako to ne učini da umjesto njih isporuči proizvode / robe koji funkcionišu ispravno.

Član 20.

Postgarantni period / rok iznosi 5 godina i počinje teći nakon isteka garantnog roka. U periodu postgarantnog perioda BS TS je obavezan da kupca snadbjeva rezervnim dijelovima za isporučene proizvode / robe.

VIII OSTALE ODREDBE

Član 21.

Pravilnik je dostupan na web:www.bstelecom.ba i u poslovnim prostorijama BS Telecom Solutions d.o.o. Sarajevo, Tvornička 3/II.


Član 22.

Za primjenu ovog Pravilnika odgovoran je direktor, odnosno od njega ovlaštena osoba.

Član 23.

Ovaj Pravilnik stupa na snagu i primjenjuje se danom donošenja.

Broj: 052/28.02
U Sarajevu, 28.02.2011. godine



Direktor

Hurem Emir